



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina
Evangelica De Meditatione mortis**

Kispenning, Henricus

Antverpiæ, 1583

Quis optimus moriendi modus. xxvi.

[urn:nbn:de:hbz:466:1-46214](#)

manentes, & per ipsum, atque in ipso resurgentes, quid
ipsi recedere istinc de seculo nolumus: aut nostros rece-
dentes quasi perditos plangimus ac dolemus? ipso Christo
Domino & Deo nostro monente & dicente: Ego sum
Resurrectio & Vita: qui credit in me, licet moriatur, vi-
uet: & omnis qui vivit & credit in me, non morietur in
eternum. Si in Christum credimus, fidem verbis eius
& promissis habeamus: & non morituri in eternum, ad
Christum, cum quo victuri & regnaturi semper sumus,
lata securitate veniamus. Quod interim morimur, ad
immortalitatem morte transgredimur: nec potest vita
eterna succedere, nisi hinc contigerit exire: non est exitus
iste, sed transitus: & temporali itinere decursu ad ater-
na transgressus. Quis non ad meliora festinet? Quis non
mutari & reformari ad Christi speciem, & ad caelestis
gratiae dignitatem venire citius exoptet? Paulo Apo-
stolo praedicante: Nostra autem conuersatio in celis est:
unde & Dominum expectamus Iesum Christum, qui
reformabit corpus humilitatis nostra configuratum cor-
pori claritatis sue. Tales nos futuros, & Christus Do-
minus pollicetur: quando, ut cum illo simus, & cum illo
in aeternis sedibus vivamus, atque in regnis caelestibus
gaudeamus, Patrem pro nobis precatur, dicens: Pater,
quos mihi dedisti, volo ut ubi fueris, & ipsi sint mecum:
& videant claritatem, quam mihi dedisti, priusquam
mundus fieret.

Quis optimus moriendi modus.

CAPUT.
xxvi.

Esa. 32.

Optime moritur, qui in Fide, Spe, & Charitate
moritur. His enim tribus comparatur recta illa
constitutio, & hilaris ac bona spe perfusa animi equitas.
Hinc Esaias de pulchritudine pacis, de tabernaculis
fiducie, & reque opulenta concionatur. Hinc David
Rex

Rex ait: In pace in idipsum dormiam & requiescam. Et iterum: Quemadmodum desiderat cervus ad fontes a-
quarum: ita desiderat anima mea ad te Deus. Sicut a-
nima mea ad Deum fontem vivum, quando veniam &
apparebo ante faciem Dei? Item Simeon: Nunc dimit-
tis seruum tuum Domine, secundum verbum tuum in
pace. Et S. Paulus desiderat dissolui, & mori inter lu-
cra suppetat. Quod ergo per omnem vitam meditan-
dum atque exercendum est, id in morte vel maxime
praestandum. Excitanda proinde omnibus modis Fides,
fulcenda Spes, accendenda Charitas: ut de Scripturis
sanctis nihil hesitantes, nullis corporalium passionum
procellis fracti, nullis a demonum prestigiis circumventi:
sed contra potius, impenetrabili scuto Fidei, invicto ani-
mi robore, excluso mortis paurore, & extinctis ignitis Sa-
tana iaculis, procul ab omnibus terrenis affectibus, ad
caelstis vita desiderium erecti, cum certa Resurrectionis
spe, cum plena de Misericordia Dei, de Meritis Iesu
Christi D. N. deg gratia Spiritus sancti fiducia, lata
securitate obdormiamus in Domino: eiusdem Christi
IESV opem assidue implorantes, atque in Dei manibus
animas nostras commendantes. Sic S. Stephanus dum
lapidibus extinguitur, inclamat: DOMINE IESV, sus-
cipe spiritum meum: ut & nos, cum anima nostra defi-
cit, & a corporis compage disieltitur; nobis diffisi, Chri-
sto maxime confisi, eam DIVINÆ committamus FIDEI,
& permittamus POTESTATI.

Psalms. 4.
Psalms. 41.

Luc. 2.

Philip. 2.

Ephes. 6.

Act. 7.